

**Maligautik uvunga**


***Nunavut Niruarvikhanut  
Maligaq***




## Titiraqhimayangit uumani Niruarvikhanut Nunavunmi 2017

Turaarvigilugit Niruarvikhanut Nunavunmi ilitturiyumagungni  
ilitariyaayunut Nunavut uqauhianut.

 867.645.4610

 Toll free 1.800.267.4394

 867.645.4657

 Toll free 1.800.269.1125

 info@elections.nu.ca

 <http://www.elections.nu.ca>

 Box 39, Kangiqhiniq, NU X0C 0G0

 41 Sivulliq Ave. Kangiqhiniq

 Elections Nunavut

 Elections Nunavut


# Iluliit

<b>Hivunirhuut</b> .....	<b>5</b>
<b>Niruarvikhanut Ayurnaittut</b> .....	<b>6</b>
Niruaqtauhimavinga _____	6
Tamainnit niruarvikhaq _____	7
Inmikkuurniq Niruaqtauniq _____	7
Niruaqarvik _____	7
<b>Nunavunmi Niruaqtuliriyit</b> .....	<b>8</b>
Niruaqtuliriyinut Atanguyaq _____	8
Niruaqtittinirmi piliriyit _____	8
Himmauhiyut niruaqtuliriyit _____	10
Ikayuqtinga himmauhiyut niruaqtuliriyip _____	10
Tugliata himmauhiyuq niruaqtuliriyit _____	10
Niruarvingmit titiraqtit _____	11
Atiliuqtunik titiraqtiit _____	11
<b>Niruarvikhaa</b> .....	<b>12</b>
Niruarvikhaa Ikaarnikkut Tatqiqhiut _____	13
Kinguani Niruarvikhanut Tatqiqhiutaa _____	14
<b>Niruaqtauyumayut</b> .....	<b>15</b>
Kinaliqaak niruaqtauyumayuq _____	15
Qanurli niruaqtauyumanikhanut _____	16
<b>Niruaqtittiniq</b> .....	<b>18</b>
Maniliurahuaqtut niruagakharnut _____	18


<b>Niruaqtit .....</b>	<b>21</b>
Nunavunmiuttaq _____	21
Niruaqtinut atiliugaq _____	23
Niruaqtiit atinginnut titiqqaq _____	25
Kingulliqpaaq niruaqtiit atinginnut titiqqaq _____	25
Niruaqtiit Ilittuqhainiq Naunaitkutaq _____	25
<b>Niruarniq.....</b>	<b>27</b>
Niruarviup Ublungani niruarniq _____	28
Niruarniq Himmahiyut Piliriyip Havagviani _____	28
Niruarnariirniq _____	28
Nuuttaqtuq niruarvik _____	29
Ahikkut titiraqarvikkut-niruaruunik _____	29
Niruaqtakhaq niruarumayup tiliurutaa _____	30
Niruarniq naalautikkut alruyaqtuyuittukkut hivayautikkut	31
Niruaqtimik ikayurluni _____	31
Niruaqtit iluanunngalaittut niruarvingnut _____	31
Numiktiunirmik atuqtut _____	32
Ihumagiyakhaat maliglugit niruarniarumi _____	32
<b>Kinaliqaak akihimayuq niruarunmik .....</b>	<b>34</b>
Kititiniq Niruarnaup Ubluani niruarutinik _____	34
Niruarutinut Kiudjuhiq _____	35
<b>Maligarnit Hiqumittiyut Nunavut Niruaqtittinirmut</b>	
<b>Maligaitnik.....</b>	<b>37</b>
Hiqumittiyut maligaunmik _____	37
<b>Niruarnikhanut Tukiliutait .....</b>	<b>38</b>


## Hivunirhuut

Una Maliktakhaat ayurnaittumik ilitturvikhait haffuminngat Nunavut Niruarvikhanut Maligaq—Nunavut'ip maligait haffumani nunallaami niruarvikhainut unalu niruarniaqtinnanit. Taiguarlugu Maligaq naunaittiarumagungni tutqignaqtumik maligait. Una maliktakhait himmautaunngittuq Maligaq.




Turaarvigilugit Niruarvikhanut Nunavunmi uvunngarlutilluuniit qaritauyatigut turaarvingat alruyaqtuqhimaittumik takugakhait ilittuffaarumaguvit qanurluuniit niruarnikhanut tamainnut niruarvikhanut uumanilluuniit niruarniaqtinnanit.

 867.645.4610

 Toll free 1.800.267.4394

 867.645.4657

 Toll free 1.800.269.1125

 [info@elections.nu.ca](mailto:info@elections.nu.ca)


 <http://www.elections.nu.ca>

 Box 39, Kangirliniq, NU X0C 0G0

 41 Sivulliq Ave. Kangirliniq

## Niruarvikhanut Ayurnaittut

Una *Nunavut Niruarvikhanut Maligaaq* maligautauvlutik malikhimayavut tiliurnahuarlugu Maligaliurvit Ministakhanut (MLAt). Nunavunmiut piyunnautiqaqhutik niruaqtakhait ikayuutauvluni ihumaliurahuariami kinaliqaak nunallaami kavamaliuqpaktunut.



TUna hivunikhaliurutikhait haffumani *Nunavunmi Niruarvikhanut Maligaaq* imailiuqtukhat:

- Ikayurnahuarlugit inungnut niruaqtunut.
- Ayurnaiqhimalugu niruarnahuaqtit niruariami piyumagumik.
- Ahivaqhimalugit ayuqhautit inungnut niruaqtauyumayunut.
- Ikayuqhimalugit kitunuliqaak ilittuqhimagiaqaqtut niruarvikhanut.
- Titirarlugit kitunuliqaak ilitturvikhait iluani tamainnut Nunavutiup ilitariyauyut uqauhinut.
- Havaqatigilugit aahiit – inuit aulapkaivaktut aahiit niruarvikhainut Nunavunmi – avvautilugit ilitturvikhait, ilihimalugillu, ilihautilugit havaktit, turaarviulugillu nakuuyumik niruarvikhanut ikayuuhiat.
- Aulapkailugit nakuuqpiaqtumik, ihuaqtumik niruarvikhaq.
- Ihumagittiarlugit nunamiuttait, uqauhingit, aallallu hunanigluuniit Nunavunmi.
- Ihivriurlugit niruarvikhaq piliriangit katilviuhimattiarlugillu piyumayainnit Nunavunmiunut.

## Niruaqtauhimavinga

Hamna nunamiuttani inuillu nayugaat. Niruaqtut tamainnut niruaqtauhimavinirni niruaqtanga una Ministakhami haffumani Maligaliurvingmi. Ilangit niruaqtauhimavingit atauhiinnarnik nunaqaqpektut. Ilangit malrunik amihunigluunit piqaqpektut.

## **Tamainnit niruarvikhaq**

Hamna tamainnut niruarvikhauyuq Nunavunmiut niruaqtut tamaat Maligaliuqtikhanut (MLAt). MLAt Nunavunmi Kavamaliuqpaktut maligautiliuqhutik.

Tamainnut niruarvikhaqaqpaktugut hitamanit ukiunnguraangat niruariangani MLA-khamik iluani niruaqtauhimavinkhanut. Tamaat angiqtauhimayut niruaqtut nirualaaqtut iluani tamatkiumayumik niruarvikhanut.

## **Inmikkuurniq Niruaqtauniq**


Inmikkuurniq-niruaqtauniq angiqhimayangit nirualaaqtut iluani atauhirmik niruaqtaunirnut niruaqhimayaa MLAkhamik. Taimailiulaaqtut una MLA havaamingnut havaguiqhimagaangat niruarvikharniaqtinnatik. Tahapkuat niruaqtukhat nayuqhimayangit niruaqtaunirnut hamna CEO titirariiqhimagumik ihuaqhainikhanut ilitturnikhanut nirualaaqtut iluani inmikkut niruaqtittiniq.

## **Niruaqarvik**

Nunavunmiut niruaqarvingmunngauvaktut niruariaqturiami. Qiniqhialutit Niruarvikhaq Nunavunmi naunaitkuhiq hilataaniittuq iglumi.

## Nunavumi Niruaqtuliriyit

Nunavunmi Niruaqtuliriyit tamaat inuit havaktut niruarnahurvikhaanit. Maligautiqaqhutik maliktakhainnit *Nunavut Niruarvikhaq Maligaq* malittiaqtakhangillu.



Nunavunmi Niruaqtuliriyit ilaliutilgit:

- Niruaqtuliriyinut Atanguyaq havaktingillu Kangiqhinirmi
- Niruaqtittinirmi piliriyit

## Niruaqtuliriyinut Atanguyaq

Una Hivulliqtinga Niruarvikhanut Piliriyi (CEO) havagviqaqhutik havaktiqaqhutiktauq Kangiqhinirmi. Una CEO amiqhaivagaat tamaat haffumani Nunavutiup niruarnikhainut. Havakti amiqhaivagaat havaktut malittiaquivlugit Nunavut Niruarvikhanut Maligaq.

Una Kammissinap Nunavunmi tiliuqpagaat CEO khamik. Maligaliurvik kiuvagaat kinaliqaak Kammissina tiliuqhimayakhaa. Akulliuyut CEO havaaqaqhutik saivanit ukiungani unalu Kammissina tiliulaaqtuq inuk aulahimaittumik piffaarmilugun hivitunianut saivint ukiukhamut.

## Niruaqtittinirmi piliriyit

Niruarvikhanut piliriyit havaktiuyut haffumani Niruarvikhanut Nunavunmi niruarnahualiraangat. Ilaliutauyut:

- Niruaqtuliqiyit piliriyit
- Ikayuqtit niruaqtuliqiyit piliriyit
- Atiliurnikkut titiraqtit
- Tugliata niruaqtuliqiyit piliriyit
- Niruaqarvik titiraqtit



Niruaqtukhauyutit niruaqtakhanut niruaqtuliqiyit piliriuyumaguvit, ikayuqtinga niruaqtuliqiyit piliriyit, tugliata niruaqtuliqiyit piliriyiilluuniit. Niruaqtiunngitkaluaqhutik niruaqarvik titiraqtiuyumaguvit atiliurvikhanut titiraqtiunirnigluuniit.

Niruaqtittinirmi piliriyit ilitquhirnikkut kiugiaqaqhutik. Niruaqtit niruaqtauyumayut ukpiqpiaqhimayuyukhaq.

- Nakuuyumik ihuaqtumiglu piyukhautauyutit.
- Tamarmik tamaita niruaqtauyumayut niruaqtiillu ihumagiyakhatit aippaa ihumatqiyaunahurrittumik taimaatut.
- Ihumagittiaqhimalugit niruarvikhaq maligautainit unalu piyunnautingit niruaqtit niruaqtauyumayunullu.
- Tuniyakhaunngittutit maningnit, ihuaqtikhangit, ikayuuhikhanillu tamainnut niruaqtauyumayunut niruarutikhaanut.

Una inuk niruarvikhanut piliriyiukhaunngittuq piniarumik imaatur:

- Niruaqtauyumayuq, maniliqinikkut kivgaqti, unaluuniit niruagakhanut ataanguyaq.
- Una MLA katimayi kingulliq Maligaliurvik.
- Katimayinga Kuin angayuqqaangata Ministait Katimayingit Kanatami.
- Katimayi Maligaliurvigyuaq Piquyannguqtittiniq Sanat.
- Maligaliuqti MLA ahini nunallaami nunatuqqangilluuniit.
- Miiya nunaqatigiigutaanut katimayi.
- Apiqhuiyi.
- Apirhuiyikkut ihuinaqhimanaaqtauhimagumi ataagut kitupliqaak vutirniup maligaagut uvvaluuniit ataagut Ihuinaqhimayut Maligaagut Kanataup ihuinaarunminut mighaagut vutirnirmut.

## **Himmauhiyut Niruaqtuliriyit**

Una Niruaqtuliriyit Atanguyaup tiliuqhimayaa niruaqtuliqinimut piliriyi (RO) tamainnut niruaqtauhimavinga. RO amiqhaivagaat niruaqtauvingmit. Aulapkaivaktut tamaat niruaqtit niruaqtauyumayunullu iluani niruaqtauvingmi.

## **Ikayuqtinga himmauhiyut niruaqtuliriyip**

Tamaat RO tiliuqpagaat ikayuqtikhamik niruaqtuliriyit piliriyi (ARO). Ilamingnut tiliulaittut. Una RO unalu ARO havagviqaqtut iluani niruaqtauvingmi nunalingni.

Una niruaqtauvik atauhiunngittunik nunalingnit niruaqtauvigaqtunik una RO tiliuqhimayaa ARO ahikkut nunalingni. Una ARO aulapkaivaktuq parnautikhait niruaqtit unalu niruaqtakhanut iluani nunangani.

Uvani Niruarvikhaq Ublungani niruarvingmi tamaat AROt amirivagaat niruaqtut atiliurvik niruarvikhangillu. Haffumani niruarnariktumik unalu ingilrayuq niruarvik, una ARO maligautiqaqtut aadjigiiktumik uumanngat tugliata niruaqtuliriyit piliriyi.

## **Tugliata himmauhiyuq niruaqtuliyit**

Vutirviup upluanit, atuni vutirviit Tugliit Utiqtiriyiqaqtut. Tuglip Utiqtittiyip aulakaktait vutirviit – igluqpait inuit vutiriaqturviit. Utiqtittiyi tikkuqaqvaktuq Tuglikhaminik Utiqtittiyimik vutiqaqtuvingmingni.

Uvani Niruarvikhaq Ublungani, tamaat niruarvik tugliata niruaqtuliyit piliriyuqaqtut (DRO). Una tugliata niruaqtuliriyit piliriyit (DRO) amiqhaivagaat niruaqarvik – niruarvikiat inuit. Una RO tiliuqpagaat DROt niruaqtauyumanikkut.

Una DRO amiriinnaqtangit niruarunmit. Taimaa malittiaquivlutik maligautainit. Ikayurluaqhutik pinahuariarlunilu niruaqtut naammaktut angiqtauhimayut nirualaaqtut niruaqtukhanut

Tamaat DRO havaqatigilaaqtangit niruaqarvik titiraqtinga.

## **Niruarvingmit titiraqtit**

Niruarvikhaq Ublungani, tamaat niruaqarvik titiraqtiqaqtut (PC) havaqatigivagaa DRO. Una PC amiqhaivagaat niruaqtuliqiniup titiqqangit- tamaat atiit nirualaaqtut.

Una PC amiqhaivagaat niruaqtuliqiniup titiqqait niruarnahuarligaikpat unalu ingilravaktuq niruaqarviglu.

## **Atiliuqtunik titiraqtit**


Una RO tamainnut niruaqtauyumanikkut tiliuqpagaat atiliurnikhanut titiraqti (RC) ikayuqtut amiqhaivlugit niruartit atiliugait nutaannguqtiqattaqhutik.

Uvani Niruarvikhaq Ublungani una RC havakhimmaaqatigivluniuk ARO niruarvingmi. Akullirivluniuk niruaqtakhanit una RO tiliulaaqhuniuk RC nit ikayuriangani atiliuqhimataaqtut niruaqtit.

Ikayuqhimagiangani atiliuqhimayut niruaqtit, una RC atuqhutik malrurnik atiliurvikhat:

- Niruaqti atiliurnikhanut titiraqtakhaq – titiriangani kinaliqaak niruarumayuq atinga titiraqhimaittuq niruaqtakhanut atiita.
- Titiraqtakhat aallannguqtiriangani ilittuttiaqhimagiame niruaqti ilitturvikhangit – niruaqtit atiit atiliuqtaaqhimayuq, kihimi ilangani ilitturvikhangit aallannguqtiqhimayuq nalauttiaqhimangitkumiluuniit. Haffuminngatut, aallannguqtiqhimaluniuk turaarvingat una niruaqtit nuutkumi. Nalaunahuarluguluuniit ihuinaaqhimayuq.

## Niruarvikhaa



Una niruaqtuliqiniq aullaqtilihaaqhimayuq 35 nit ublungani niruaqtinnatit Niruarvikhaq Ublungani iniqhimavlutiktauq Niruarvikhaq Ublungani. Niruarvikhanut qanurilingayaulaaqtut humiliqaak ublunganit. Niruaqtit, niruaqtauyumayullu unalu niruaqtuliqiyit havaktiita malittiaruaqtaut iniqhimagiaqaqhutiktauq maliktamingnit.

Takulugu niruarvikhanut ikaarvinga tatqiqhiutaa tugliani makpiraanmi.

Una niruarvikhaq ikaarutaa aullaqtilihaaqtuq ukuninngat maligaunmik ilittuqhainirnik. Una maligaunmik ilittuqhainirnik ilitaridjutauyuq titiqqanmik upalungaiyautauq naunaitkutauyuq niruaqtauliqinirnit. Ilitturvikhaqaqhuni qakugu niruaqtauyukhanut ikaarvinga pilihaarniaqtuq, Niruarvikhaq Ublungani, unalu ublunga utirvikhaanit haffumani maligaunmik ilittuqhainirnik.

Una Hivulliqti Niruaqtuliqinirnut Piliriya (CEO) turaaqtittiyuq ilitturvikhainnut maligaunmik tamainnut niruaqtuliqiyit piliriyinut (RO). Una tamaita RO naunaiqhiivakhutik uumani ilitturvikhainnut maligaunmik havagvianut iniqhiivlutik niruarvikhaq ikaarutaani, tamaa ROt iniqhimavakhugit utiqtakhait haffumani ilitturvikhainnut maligaunmik turaaqtittivlugillu CEO nut. Una utiqhimaningit haffumani maligaunmik ilittuqhainirnik naunaitkuhiuvluni kinaliqaak akihimayaa niruarvikhainnut

Uvannaq niruarvikhanut ikaarutaat niruaqtauyumayunut naunaitkuhingit ilitturvikhangit nivinngaqhivakhutik, niplautigivlugillu aahiittauq qanuq ilittupkarahuaqhugit inungnut niruaqiyangit.

## Niruarvikhaq Ikaarnikkut Tatqiqhiut

Ikpingnaqtut Uplut	Qanuriliuqtaniarmangaat ublungani
<b>35 ublungani Niruarvikhaq Ublua tikitinnani</b>	<p>Una Hivulliqti Niruaqtuliqinirnut Piliriyi (CEO) turaaqtittiyuq ilitturvikhainnut maligaunmik tamainnut niruaqtuliyit piliriyinut (RO). Tamaat RO nivinngaqhiivlugit havagviani.</p> <p>Hivunngani inuk atiliuqhimalaaqtaa titiraqhuni uqariyauyuq niruarvikhaitigut.</p> <p>Hivunngani inuk atiliulaaqhuni ahikkut, titiraqarvikkuuqtuq niruarunmik.</p>
<b>34 ublungani Niruarvikhaq Ublua tikitinnani</b>	<p>Niruaqtuliyit Nunavunmi turaarvigivluniuk Niruaqtinut Ilitturvikhangit tamainnut nirualaaqtunut titirariiqhimayumi.</p>
<b>31 ublungani Niruarvikhaq Ublua tikitinnani</b>	<p>2 pm nutqarutaa (nunaqatimingnit ubluqhiutaani) atiliuriangani uqariyaunmik niruaqtuliqinirnut. 5 pm nutqarutaa (nunaqatimingnit ubluqhiutaani) piyumangitkumi uqariyaunmik.</p>
<b>29 ublungani Niruarvikhaq Ublua tikitinnani</b>	<p>Una Hivulliqti Niruaqtuliqinirnut Piliriyi turaaqtittivluni niruarvikhanut naunaitkuhirmik tamainnut Niruaqtuliqinirnut Piliriyi niruaqtauyumayunullu.</p>
<b>14 ublungani Niruarvikhaq Ublua tikitinnani</b>	<p>Hivunngani ublungani niruaqtut nirualaaqtut uvani niruaqtuliqinirnut piliriyinga havagvianut—uvanngat 12 ublumi 7 pm unnuktumi nunaqatigiingmiunit ubluqhiutaatigut.</p>
<b>7 ublungani Niruarvikhaq Ublua tikitinnani</b>	<p>Ingilralaaqtut niruarvik tamainnit nunalingni hamanngat 9 ublaami 11:30 ublaami nunaqatigiingmiunit ubluqhiutaanut. Niruaqtinnatik 12 ubluummaanmi 7 pm unnuktumi.</p>

## Niruarvikhaq Ikaarnikkut Tatqiqhiut

<b>Ikpingnaqtut Uplut</b>	<b>Qanuriliuqtaniarmangaat ublungani</b>
<b>5 ublungani Niruarvikhaq Ublua tikitinnani</b>	Hivunngani niruaqtit niruarumayuq tiliurutaanik pilaqtut hamangat Niruaqtuliqinirnut Nunavunmi. Maligiaqaqhutik ilikkut.
<b>4 ublungani Niruarvikhaq Ublua tikitinnani</b>	Kingunngani ublungani niruaqtut nirualaaqtut uvani niruaqtuliqinirnut piliriyinga havagvianut—uvanngat 12 ublumi 7 pm unnuktumi nunaqatigiingmiunit ubluqhiutaatigut.
<b>Niruarvikhaq ublunga</b>	3 pm ubluummaanmi nutqarutaa (nunaqatigiigutaanut) atiliuriangani niruarumayunut ilitaridjutikhanik.  Ahikkut niruarunmik tuniyauyukhat 5 pm unnuktumi ilalaitkumiluuniit.  Niruarnaqtumi: 9 ublaami 7 unnuktumi (Kivataanirmiut)

## Kinguani Niruarvikhanut Tatqiqhiutaa

<b>Ikpingnaqtut Uplut</b>	<b>Qanuriliuqtaniarmangaat ublungani</b>
<b>10 ublungani kinguani Niruaqtuliqinirnut Ublungani</b>	Niruaqtauyumayut unguvaqtakhaat tamaat niruarutikhanut parnautingit.
<b>60 ublungani kinguani Niruaqtuliqinirnut Ublungani</b>	Niruaqtauyumayut maniliqinikkut kivgaqtiit iniqhimayakhaat atiliuqtakhaallu niruarutikhainut maniliqinikkut utiqtakhaat.  Niruaqtauyumayut hiqumittakhaat tamaat titiqqait niruaqtut tuniyauhimayut, uuminngalluuniit utiqtittiyakhaat uvunga Niruaqtuliqinirnut Nunavunmi.

## Niruaqtauyumayuq

Una niruaqtauyumayuq inuk niruaqtauyumayuq Katimayinit haffumani Maligaliurvingmi (MLA). Akulliuyut niruaqtauyumanikkut malrurnik amihunigluuniit niruaqtauyumaqaqpakhutik. Una niruaqtauyumayuq niruarvikhait amihuugumik akihimayuq.



Una niruaqtauyumaniq atauhiinaq niruaqtauyumayuq nirualaittuq. Niruaqtauyumayuq akihimalaaqtuq niruagakhaunnikkut iliyakhautigiingniq.

## Kinaliqaak niruaqtauyumayuq

Niruagakhauyungnaqtutit piguvit:

- Nirualaaruvit. Takulugu ilangani niruaqtiit tukiliutaanit.
- Ungavaqtaunngittuni.

Niruagakhauyungnaqtutit niruaqtauyumanirnut. Nunaqalaaqtutit niruaqtauyumanirnut niruaqtauyumanikkut aahiit niruaqtauyumanikhainut. Nunaqatigiingmiunngitkaluaqhutik niruaqtauyumanirnut niruaqtauyumaguvit taikani.

Ungavaqtaulaaqtutit — ublungani atiliuqhimagungni uqariiyautigut niruaqtaunirnut — ilvit:

- Niruaqhimagaluaruvit maniliqinikkut kivgaqtiuguvit aippaangani niruaqtauhimayumik atiliuqhimanngitkungni niruaqtaunikhainut maniliqinikkut utiffaarnigut tuulliqhimaittumik.
- Malikhimanngitkungni ilaliutikhainut angiqhimaniq kinguani niruaqtaunigut.
- Maligaliurvigyuangani ilauhimanniruvit, Sanat uuminngaluuniit maligaliurnikkut aahiit nunallaami nunatuqangni.

- Apiqhuiyi, kihimi nunaqatigiiktuni apiqhuinikkut.
- Havakhimagaluaruvit Niruaqtuliginikkut Nunavunmi.
- Havakhimaguvit Nunavut Kavamanit havaatit havaguiqhimallakkuvit.
- Nunavunmi nunaqanngitkuvit.

Una MLA inikhautikhaat unguvaqtaulaaqtuq apiqhugakhaqarumik paqiyaugumigluuniit pilrayaqtugumik maligautaani Nunavunmi Kanatam maligautainit. Niruaqtauyumagumik taimaattauq aallat niruaqtaunikhatigut – niruaqtauyumanianut niruaqhimagumik aallat MLAkhamut.

## **Qanurli niruaqtauyumanikhanut**

Niruaqtauyumanikhainut una inuk titirariaqaqtut uqariiyautikhanut atiliurvik akiliqtakhaallu \$200 akiliakhaa uvunga RO uuminngaluuniit ARO nut.

Titirariami uqariiyautinit niruaqtauyumanirnut una inuk piyukhaq:

- Maniliqinikkut kivgaqti – kinaliqaak atiliuqtakhaa uqariiqhimayakhaa amiriniarnikkut tamaat maniliqinikkut niruarutauvikhatit. Tamaat niruaqtauyumayuq maniliqiniq kivgaqtiqaqtut.
- Tautukhimayut atiliurvikhanut.
- Niruaqtittiniq atannguya, piyumaguvit – taamna inuk aulapkaiyuq amiqhaivlunilu niruaqtauyumayutit niruaqtittiyikhanut. Niruaqtauyumayuq atannguyauqarianngittuq, kihimi nakuuvluni.


Inuit titiraqhimagiaqaqtut uqariiyautikkut maligautainit niruaqtauyumagumik niruaqtuligiyyi piliriyit ikayuqtingaluuniit niruaqtauyumanirnut. Una hivuani atiliulaaqtatit 35 ublungani Niruaqtuliginig Ublungani tikitinnani. Kinguani ublungani atiliuriami 31 ublungani Niruarvikhanut ublungani tikitinnani. Niruaqtuliginig Nunavunmi angiqhimagumi uqariyaunmik niruarvikhanut, taamna inuk niruaqtaulaaqtuq.



Una inuk titiraqhimagumiuk uqariiyautimik, aadjiliugaanik piksanik ilaliutilaaqtangit. Niruarvikhaq Nunavut atuinnaqtut piksanit naunaitkuhiuraangat takunnaqtut tamaat niruaqtauyumayunut. Una tugliata niruaqtauliqinirnut piliriyi takugakhaliuqpaktuq nivinngaqtakhainit niruaqarvingmi inuit parnautigivagaat kinaliqaak niruarniarmangaat.


## Niruaqtittiniq

Una niruaqtittiniq tamaat takugakhaqaraangat naunaiqhiiyut, nivinngaqaqtumik takugakharmik, tuutauyait kakilaaqtut, niplautigigumik, aahiittauq hunaniklikiaq niruaqtauyumayuq parnautikhaat taimaa inungnit vuutiquyayyunut. Uuminngatut, niruaqtauyumayuq pilaaqtuq:



- Takugakhait, atiliuqtauhimayut, tuutauyait kakilaaqtut, pinniqutikhait, nivinngaqtakhat, aahiittauq atulluarumayaat niruaqtauyumagaangat.
- Niplautigivagaat huliyakhaqaqpakhutiktauq.
- Nunaliinut aullaqpaktut niruaqtauyumagaangat katimaqatigivlugit uqaqatigiyumavlugillu niruaqtinut.

Niruaqtittiniq ilitturvikhait takunnaqtut naalautikkut, TV, tuhagakhanut titiqqainit, qaritauyakkut takunnaqtut, facebook, twitter, aahiillu tuhagakhanit. Una inuk, nanminiq, ilauhimayulluuniit hilataani Nunavunmi ILAUYUKHAUNNGITTUT niruaqtittinirnut niruaqtauyumayunut.



## Maniurahuaqtut niruagakharnut

Manit amiqharnaqtuq niruaqtittiyikhamut. Nunavu Niruarvikhainut Maligaq maligautiqaqttut kinaliqaak ikayuqhimalaaqtut niruaqtittinirnut qaffinigtlu ikayuqhimalaaqtut.

Kina ikayuqhimalaaqtut niruaqtittinirnut?

- Kinaliqaq Nunavunmi nunqaqtunut.
- Kinaliqaak Nunavunmi nunaqaqtunut.
- Kinaiqaak timiuyuq havaktaqtuq Nunavunmi.

### Qaffinik ikayuqhimalaaqtut niruaqtittinirnut?

- Inuk, nanminilik, timing tunihilaaqtut \$2500 tamainnut niruaqtauyumayunut akunngani niruarvikhanut. Timiuyuq titiraqhimalaaqtut inungnit tunihimayuq ikayuuhikhainit.
- Inuk, nanminiqaqtuq, timiuyuq tunihiyakhaat atinga turaarutaangillu, ikayuqhimainnarumik ikittuinnarnik \$100. Tunihimagumik naahimanngittangit \$100 atiita titiraqhimanngitkaluaqtuq.
- Inuk, nanminiqaqtuq, timiuyuq piyunnautiqaqhuni taaksiutigut titiqqainik tukhiutilaaqtangit ikayuqhimagamik – atingit tunihimagumik. Apiriinnarialik taaksiutigut titiqqainik tunihimaguvit ativittauq titiraqhimayakhat.

### Niruaqtauyumayuq qaffinik tunihilaaqqa?

- Niruaqtauyumayuq atuqhimalaaqtuq naalaaqhuniuk \$30,000 nanminiriyamingnit maningnit.
- Niruaqtauhimayuq taaksiutigut titiqqainik tuniyaulaaqtuq ikayuqhimagamik naahimagumiuk \$2500. Tunihimagumik avatqutkumi \$2500 nit, taaksiutigut titiqqainik tuniyauhunnguyut aulayuittuq. Taaksiutigut titiqqainik tunihiniaqtut \$2500 nik akikinniqhaigumik tunihyauniaqtut qaffinit tunihimayangit.

### *Nunavut Niruaqtuliqiniq Maligaq* aallanik maligautiqaqtut ikayuutikhanut mikhaagut:

- Tamatkiumatangit niruaqtittinirnut ikayuutikhait avatqulaittaat \$30,000 akikinniqhaaluuniit. Una ilaliutiyangit tamaat ikayuutikhangit niruaqtauyumayunut inungnillu, nanminiliit, timiuyunilluuniit ikayuqhimayut.
- Inuit ikayuqhimalaaqtut niruarutaanut ikaarnigut – hamanngat 35 ubluata Niruaqtuliqiyit Ublungani niruarniaqtinnatik. Akiliakhait avatquttimik ikayuuhianngat, hamna maniliqinirnut kivgaqti angiqhimalaaqtangit ikayuutikhait kinguangani kinguani niruaqtuliqinirnut ikaarvia – 60 ublunganit kinguani Niruaqtuliqiniq Ublungani.

- Inuit ikayuinnaqhimayangit niruaqtuliqinirnut. Maniit nanminiqutingit niruaqtuliqinirnut, niruaqtauyumayunut pivikhaunngittangit maniliqiniup kivgaqtiunngittunulluuniit.
- Inuit tunihivaktut maningnit niruaqtauyumayunut maniliqiniup kivgaqtinga kinamulluuniit aulattitiyangit, niruaqtauyumayunut tunihiyuittangit. Saliuruvit atiliuqtakhatit uvunga: 'Niruarutikhaanut niruaqtukhanut \_\_\_\_\_'.
- Tunihimayatit taamna niruaqtauyumayunut akiliqhiyukhaq titirariiqhimagumiuk uqariyaunmi niruaqtauyumanirnut niruaqtittinirnut ikayuutigiyakhaunngittuq akikhangilluuniit.

## Niruaqtit



Niruariaqtulaaqtutit piguvit:

- Kanatami nunamiutauguvit.
- 18 nit ukiuqaqtut ungataaniluuniit uvani Niruarvikhaq Ublungani.
- Nunavunmiutaq atauhirmik ukiungani Niruarvikhaq Ublungani. Inmikkuurniq niruaqtauniq nunaqaqtukhauyutit iluani niruaqtauhimavinga una CEO titiraqhimagaangat maligaunmi qaitquiniq.

Nirualaittutit piguvit:

- Apiqhuqhiqtukhauyutit titiraqhimagumilu kangiqhinngittatit qanurilinganigut – qanuq ihumaliurungnaiqtutit ilingnut. UUMINNGALUUNIIT
- Hiqumittatit maligaunmi malikhugu hamna pilrayaqtunut maligautingit uvaniitkuvilluuniit inungnit ihumanut aanniarutiqarniqqat. UUMINNGALUUNIIT
- Hiqumitkuvit niruaqtuliqinikkut maligaq humiliqaak Kanatami iluani tallimanik ukiungagut pilrayaqhimavlutittauq.

## Nunavunmiuttaq

Niruaqtit niruaqtut iluani niruaqtauhimavingni nunaani. Nunavunmiutauniq tukiqaqtuq niruaqti nunaqaqtuq nunaani—havakhutik hinikhutiktauq taikani.

Una niruaqti malrurnik aimaviqarumi ahini, pukukhimalaaqtut aimavia niruarnahuarumik. Una niruaqti ukiiviqalaaqtuq aimaviani pukukhimalaaqtuttauq humi niruarumayuq taikanngat, kihimi:

- Inuuvluni taikani avatquluni 180 ublunganit ukiungani atuqtumi.

## Uuminngaluuniit

- Aimaviqanngittut niruarvikhami.

Una niruaqti “nunaqarumi” ahinunngaugumik aimavingni—havaatigut iliharvingnulluuniit—ahini Nunavunmi nunalingni hilataani Nunavunmiluuniit. Nayullaktangit tukiqaqhuni 10 nit tatqiqhiutigut avatquttunilu, kihiani niruaqtit ilihaqtiugumi qautamaat.

Ilihaqtuq pukukhimalaaqhuni niruariami nayullakhimayaani Nunavunmi aimavingni, aimaviannit nayurvingnit. Uuminngatut, ilihaqtuq nunagiya Kugluktumi. Ilihariaqhimagumi Iqalungnut. Tukiqaqhuni Iqaluit nayullakhimayaa Nunavunmi. Taamna ilihaqtuq pukukhimalaaqtaa Iqaluinmi Kugluktumiluuniit.

Aimaviqanngittut inuit nunagiyangit humiliqaak niqikhaqhiuqpektut humiliqaak hinigviuvagaaluuniit, humiliqaak hinikpektut nirivaktulluuniit.

Inuit itiqtauhimayut pukukhimalaaqtut kinaliqaak niruaqtangit niruarvingni:

- Humiliqaak nunagiyaraluangit itiqtauvingmunngautinnatik.  
Uuminngalluuniit
- Humiliqaak ilagiyangit nunaqaqtut.

Uumani inmikkuurniq-niruaqtaunikkut, una inuk nayuqhimayakhaa iluani niruaqtaunahuarviannit ublungani CEO titiraqhimayaanit haffumani maligaunmi ilittuqhainikkut. Huli nayugaanni nunaqaqhuni uvani Niruaqtittinikkut Ublungani.

Tamait niruaqtit atauhiinnarnik niruaqhimayukhaq. Una niruaqti malrurnik aimaviqarumi ahinit aimavianni nirualaaqhutik nayugaanit nunagiyaanit siksinit tatqiqhiutigut avataaniitkumi ukiungani.

## Niruaqtinut atiliugaq

Niruaqtut atiliuqtukhat ukunani Niruaqtuliqinikkut Nunavunmi atingit niruaqtakhanut titiraqhimayakhaat. Niruaqtuliqinikkut Nunavunmi amiqhaivagaat niruaqtut atiliurutingit hulidjuhikhait niruaqtuliqinikkut nutaannguqtiqattariangani niruariaqturnialiraangat atiita titiraqhimanngitkumi.

Niruaqtuliqinikkut Nunavunmi malrurnik titirakhalgit atiliuriami niruarnahuaqtunut:

- Niruaqtut atiliugakhaq titiqqak. Niruaqtukhat titiraqhimayakhaat atiliuqhimalugulu atiita titiraqhimaittuq niruaqtunut titiqqangit.
- Atiliuqtakhaat nutaannguqtiriangani tutqiqhignahuarlugilluuniit niruaqtum ilitturvikhangit. Niruaqtut titiraqhimayakhaat atiliuqhimaghaallu niruaqtut ilitturvikhait aallannguqtiriararumi. Haffuminngatut:
  - Una niruaqtuq nuuttirumik ahinut nunalingni ahinut iluani niruarvingmi aallanut iglumut nunalingni aulahimaittumik.
  - Una niruaqti nuutkumi nunalingnut aallanut niruarvingmi.
  - Una niruaqtim atiita turaarutaataluuniit titirattiaqhimaitkumi.
  - Una niruaqti atinga aallannguqtirumiuk.

Atiliurvikhaanit titiraqhimayakhaa inmikkut, niruaqtit hivayainnariaqaqtut qaritauyakkut turaarvigiluniluuniit Niruaqtittinikkut Nunavunmi uvunga qaritauyakkut turaarutaanit takugakhangit atiliurvikhainit titiraqhimayaami. Hamna atiliurvikhaat hulidjuhiit unalu Niruaqtittinikkut Nunavunmi taamna atiliuliqiyi titiraqti titiraqhimayakhaat naunaitkuhiq atiliurvikhaat unalu niruaqti atiliuqhimaghaa.

Hamna titiqqait titiraqhimagiama, niruaqtit ilihimayakhaat iglungit naahautingalu, nunalingni turaarutinga, titiqqivikkut turaarutaangalu. Naunaitkuhirnit ilaliutinarungnaqhiyatit una niruaqtittinikkut piliriya ilihimanngitaatit, nunalingni turaarutivit titiqqivikkulluuniit turaarutaa.

ITakupkainiarungni Naunaitkuhivit ilaliutiyakhatit:

- Atauhirmik Naunaitkuhirmik ativit, turaarutivillu, atiliuqhimayatillu.

Haffuminngatut:

- Aqutigut laisiata
- Akhaluutit atiliurninga
- Nunavut Kavamangit Naunaitkuhiq Titiraq.

Uuminngalluuniit

- Malrurnik naunaitkutaq: Atauhiq ilitturnaqtuq ativit atiliuqhimayatit aippaattauq ativit nunalingni turaarutaa.

Haffuminngatut Naunaitkuhiq ativit atiliuqhimayatillu:

- Angirutaa titiraq - Nunavut Tunngavik Timigutaa
- Aanniaqtuliqinianut nalliukumaagutaa
- Kanatamit hilataanut aullarnaqtunut naunaitkutaq
- Nunalingmiuttani titiqqak
- Aaquaqhiutit Inutquaqhiutit titiqqak
- Inuuliqinigt nalliukumaatigt titiqqak
- Maniqarviup titiqqak
- Makpiraaqarviup titiqqak
- Ilihaqtunut titiqqak

Haffuminngatut uumani Naunaitkutaq takunnaqtuq ativit turaarutivillu:

- Nunanut akikhaa
- Nuna taaksiutinga
- Nuna taaksiutinga



## **Niruaqtiit atinginnut titiqqaq**

Una niruaqtit titiqqangit titiraqhimayuq taamna Niruaqtittinikkut Nunavunmi tamainnut titiraqtaaqhimayut niruaqtut. Una niruaqtit titiqqangit takunnaqtuq tamaat nirualaaqtut atiita, turaarutaata, nunalingnilu turaarutaata – iglum nunamlu naahautaa.

Niruaqtittinikkut Nunavunmi parnautigivaktangit niruaqtit titiqqangit naunaiqhiigiangani kinaliqaak niruaqhimagaluaqtut niruarnaraangat. Parnautigivagaat niruaqtunut titiraa niruarnaqhigaanga taimaa illitturningit ayurnaiqpagaallu. Nirualaaqtut titiqqait atuqhimaittut apiqhuinahuaraangat. Niruaqtittiniq Nunavunmi parnautigilaaqtangit niruaqtukhanut uumani Nunavunmi niruarnikhaq malittiaqhimayauyukhamaat uuminngaluuniit kavamatuqangit niruarunmut.

Hivunngani iluani Niruaqtittinikkut Ikaarutaata, Niruaqtittinikkut Nunavunmi turaaqhiivaktut aadjiliugaanit haffumani nirualaaqtut titiqqak uvunga niruaqtuliqiyi piliriyi tamainnut niruarvikhanut. Niruaqtit ihivriuqtakhaat titiqqak ihivriuriangani atiita titiraqhimakpat turaarutaata nalaumagiakhaa.

## **Kingulliqpaaq niruaqtiit atinginnut titiqqaq**


Hamna kinguani niruaqtit titiqqangit ilaliutiyukhaq atiita kinaliqaak atiliuqhimayauyuq niruariaqturniarumik. Aahiillu aallannguqhimagumik niruaqtittinikkut piliriyi ihuaqhaigumiuk niruarnaqhiliraangat.

## **Niruaqtiit Ilittuqhainiq Naunaitkutaq**

Tamaat niruaqti titiraqhimakpat tuniyauvaktut Niruaqti Ilittuqhainiq Naunaitkutarmi titiraqarvikkut, hivuani niruarnaqhinnaqqat. Una naunaitkutaq ilitturnaqtuq:

- Niruaqtit atiita turaarutaatalu.
- Niruaqtit niruarvingmi.

- Humi qanga niruarnaqhiqqat Niruaqtittinikkut Ublungani.
- Humi qanga niruarnarigumaniq.
- Aahiit inikhait niruariami nirualaitkuvit Niruaqtittinikkut Ublungani.
- Una akiqanngittukut hivayautaa ilittuffaarumaguvit.



**You're on the voters list.**

**Nunavut General Election.**  
**October 27 Election Day.**

Chief Electoral Officer

43 Sivulliq Ave.  
Box 39  
Rankin Inlet, NU  
X0C 0G0


1-800-267-4394  
1-800-269-1125  
info@elections.nu.ca  
www.elections.nu.ca

**Titiraqarvikkut naunaitkutaq**

If your name or other information is not correct let your Returning Officer know @ xxx-xxxx

Niruaqti takuyakhaat Niruaqtit Ilittuqhainikkut Titiqqak nalaumagiakhaita ilitturvikhanut. Hivayarlugu Niruaqtittinikkut piliriyi uvungaluuniit Niruaqtittinikkut Nunavunmi aallannguqtiriangani ilitturvikharniq. Pihimalugu Niruaqti Ilittuqhainiq Titiqqak nakharlugulu niruaruaqtarniaruvit. Niruarnikkut ayurnaittaami qilamuiqhimagiangani.

## Niruarñiq



Niruaqtit inmikkuᑦ pukukhimalaaqtut kinaliqaak niruarumayangit.

Atiliuqhimayangit X nit haniani atia niruaqtauyumayunut kinaliqaak

Katimayikhamik Maligaliurvingmi (MLA) iluani niruarvikhamut.

Una MLA kivgaqtiuyuq tamaat inungnut iluani niruarvingmi.

Tamaat niruaqtangit ihumagiyakhaat. Qanurunaaqhimaittumik niruaruaqtulaaqtutit. Inuit piyunnautiqaqtut kina niruarumayangit. Inmi pukukhimalaaqtut qanuq niruaqtut.

Niruaqtut ahini hiamittigakhaunngittuq. Niruaqtit niplautigihimaittuq qanuq niruaqhimayut. Aahit naunaiqtakhaunngittut kina niruaqhimayaat.

Ilangit inuit havakhimayuq havangnaqhigaangat tamainnut ikaarnikkut uvani niruaqarvingmi angmaumayumi.

Piyumagumik, havaktit tunihimayakhaat niruaqtut malrurnik ikaarnikkut havaguiqhimayukhat niruaruaqturiami. Havaktit pukukhimalaaqtangit humunngaqqat niruaruaqtuqtunut. Niruaqtit havaktut hamanngat 9 mi ublaami 5 mut unnuktumi iluani Kivalliq Qikiqtaalungmilu havaguiqhalaittut niruaqturiangani. Niruaqtut havaktut 9 mi ublaami 5 mut unnuktumi Qitirmiunmi havaguiqpaktut 4 munngaqtumi niruaruaqturiami.

Tamaat niruaqtit nirualaaqtut atauhiinnarmi iluani nunallaamingni niruarvikhanut. Nunavunmiut aallatqiinit niruarvikhaqaqtut.

Tamainnit niruaqtit niruarumayuq pukukhimalaaqtuq naammagiyamingnit.

- Niruaqtittinikkut Ublungani niruarñiq
- Niruarnaringnikkut
- Niruarlutit uvani niruaqtuliqiyi havagviani
- Ahikkut titiraqarvikkut niruarunmik
- Nuuttaqtuq niruarvik

Unalu niruaqtit malikhimayakhaat qanurilinganingit kinguanilu naunaiqtaugumik nirualaitkumik ahikkut:

- Niruarumayum tiliugaa niruarniq
- Alruyaittukkut hivayaut

### **Niruarviup Ublungani niruarniq**

- Kinaliqaak angiqhimayut niruaqtit.
- Niruarniq niruaqarvingmi tamainnit nunalingni:
  - 8 ublaami uvunga 6 unnuktumi Qitirmiut ubluqhiutigut
  - 9 ublaami uvunga 7 unnuktumi Kivalliq ubluqhiutigut
  - 10 ublaami uvunga 8 unnuktumi Qikiqtaaluk ubluqhiutigut
- Niruarumayuq atiita titiraqhimanngitkumi, atiliuqhimalaaqtut niruariaqturniaqqat.

### **Niruararniq Himmauhiyut Piliriyip Havagviani**

- Angiqhimayauyut niruarumayuq RO piliriyinga havagvingnunngaulaaqtut niruarvingnut.
- Uvannat 12 ublumi 7 unnuktumi nunaani ubluqhiutigut.
- Pilihaaqhutik 14 nit ublungani Niruaqtittinikkut Ublungani hivuani; kinguanilu hitamat ublungani Niruaqtittinikkut Ublunganit.
- Niruarumayuq atiita titiraqhimanngitkumi, atiliuqhimalaaqtut niruariaqturniaqqat.

### **Niruarnariingniq**

- Angiqhimayauyut niruarumayuq nunaqarnirumi RO piliriyiiqanngittumik.
- Uvannat 12 ublumi 7 unnuktumi nunaani ubluqhiutigut.

- Saivanit ubluani Niruaqtittinikkut Ublungani niruarniahaaqtillugu.
- Niruarumayuq atiita titiraqhimanngitkumi, atiliuqhimalaaqtut niruaruaqtturniaqqat.

## **Nuuttaqtuq niruarvik**

- Inuit iniliurvikhaat niruariami anilaitkuvit niruaruaqturiami. Niruarvikhaq ilingnungaulaaqquk.
- Uvanngat 9 ublaami 11:30 ublaami nunaani ubluqhiutigut.
- Saivanit ubluani Niruaqtittinikkut Ublungani niruarniahaaqtillugu.
- Niruarumayuq atiita titiraqhimanngitkumi, atiliuqhimalaaqtut niruaruaqtturniaqqat.

## **Ahikkut titiraqarvikkut-niruarunmik**

- Nirualaaqtunut ahiniitkumik: ilihaqtut, itiqtauyut, aahiillu.
- Aahiit nirualaaqtut inuit timikkut ayuqhautilit parnautigilaaqtangit ahikkut niruarunmik.
- Tukhitigiyakhaat ahikkut niruarunmik parnautikhaat hamanngat Niruaqtittinikkut Nunavunmi.
- Niruarutit aktuumalaaqtakhaat Niruaqtittinikkut Nunavunmi Kangiqhinirmi 5 munngaqtinnagu Kivalliq ubluqhiutigut uvani Niruaqtittinikkut Ublungani.
- Niruarumayuq atiita titiraqhimanngitkumi, atiliuqhimalaaqtut tukhiutigilaaqtangit ahikkut niruarutikhamik.
- Kinaliqaak niruaqtuq turaaqtauhimakpat ahikkut niruarunmik aahiikkut, titiraqarvikkuunngitkaluaqhutik iluani niruarunmik qilamik.

## Niruaqtakhaq niruarumayup tiliurutaa

Niruarumayup tiliurutaa niruarniq una niruaqti aallamik niruaqtinik niruaquivluniuk. Una inuk niruaqtuq niruarumayaanik niruarumayup tiliurutaa niruaqtiuyuq. Niruaqti atiita unalu tiliuqhimayaat atiita tamarmik nirualaaqtuq titiraqhimagiaqaqtuq niruaqarvingmi. Una niruaqti niruarumayup tiliurutaa atauhiinnarmik niruaqhimalaaqtuq niruarnaqhiqqat.

Niruaqtit nirualaaqtuq niruarumayup tiliurutaa KIHIMI aktuumagumiuk pingahunit malikhimayakhaat:

- Qilamik aullarumik nunalingni.
- Nirualaitkumik Niruaqtittinikkut Ublungani.
- Nirualaitkumi ahikkut.

Hamna niruarumayup tiliurutaa niruarniq ilittuuvlutik:

1. Taamna niruaqti apirirumiuk RO Atiliurvikhamik haffuminngat Niruarumayup Tiliurutaa Iltaridjutikhamik. Hivuani ublungani atiliuriami tallimanit ublungani Niruarnaqhiqqat. Kinguani atiliuriami 3 munngaqqat nunaani ubluqhiutigut Niruarnaqhiqqat.
2. Una RO turaaqhiyyuq iltaridjutikhamit KIHIMI angiqtauhimakpat tukhiutaanit.
3. Una niruaqti unalu tiliurutaa niruaqti titiraqhimagumiuk tiliurutaa iltaridjutaanit una RO turaaqhimagumiuk.
4. Una niruarumayup tiliurutaa niruaqti nakharumiuk iltaridjutaanit niruaqarvingmut. Tunihimayangit DRO mut uqariiyarniglu uqariiqhutik. Malrurnik niruarunmi pivlutik-atauhiq inmikkut niruaqtakhaq aippaattauq niruarumayup tiliurutaa niruaqtinut. Una niruarumayup tiliurutaa niruarunmi taimaa ilittuq niruaqtit apirivluniuk.

## **Niruarñiq naalautikkut alruyaqtuyuittukut hivayautikkut**

Niruaqti nirualaaqtuq naalautikkut alruyaqtuqtuyuittumik hivayautikkut unghiktumiitkuvit KIHIMI unghiktumiitkumi uumanilu pingahuuyut malikhimattiaqtakhatittauq:

- Niruarvikhanunngaulaittut uvani Niruarvikhanut Ublungani.
- Turaarviulaitkuvit KIHIMI naalautikkut SAT hivayutaanut.
- Qanuq ayuqhaliruvit unghikpallaaravit niruarnahualiruvit.

Una avaliqanngittuq niruarunmik aulapkaiyi hivayaqtaugumik. Aalla niruaqtittinikkut piliriyi taikaniitukhaq. Una avaliqanngittuq niruarunmi aulapkaiyi ilingnut ilihimayukhaq kinaunngmangaat. Atiliuqhimaniaqtuq niruarunmik niruaqtatit ahinut uqaqtukhaunngittuqtauq.

## **Niruaqtimik Ikayurluni**

Una DRO ikayuqhimalaaqtangit niruaqtit ikayuqtauyumagumik. Niruaqtit ilannamini ilaita ikayulaaqhutik. Una inuk ikayuqhimayuuq ukpiqtukhauvluni hitamauyut ukpiqhimayakhaat:

- Atiliurlugu niruarunmi una niruaqtuq piyumagumi.
- Taamna niruarñiq aihunut hiamittigakhaunngittuq.
- Uqaqhimaittumik qanuq niruaqtit niruaqtakhanut.
- Aallamik niruaqtit ikayuqhimaittumik.

## **Niruaqtit iluanunngaulaittut niruarvingnut**

Niruarumayuq iluanunngalaitkumi niruaqarvingmut qanurlikiaq, una DRO hilaunngaulaaqtuq niruaqarvingmit ikayuqhimalugulu taamna niruarumayuq humiliqaak iluanunngaulaaqtumut. Una DRO umillakhimalaaqtaa niruaqarvik. Niruaqarvik hilaunngaulaaqtaa taingna niruarumakpat.

## Numiktiunirmik atuqtut

Niruaqtit atuqhimalaaqtut uumani ilitarihimayumik uqauhikkut Nunavunmi niruariami. Niruaqtittinikkut Nunavut havagluaqpagaat tiliuqhugu niruaqtittiya uqalaaqtut uqauhiagut inuit uqauhikkut. Kihimi una niruaqti uqaqtuqarumagumi una DRO qiniqhimaniaqtuq.

## Ihumagiyakhaat maliglugit niruarniarumi

Niruarnaqtumi, niruaqtit, niruaqtauyumayullu, unalu niruaqtuliqiyi malikhimayakhaat hamna *Niruaqtittinikkut Nunavut Maligaq*.

Maliktakhait tamainnut malikhimayakhaat uvani niruarvingmi.

- Naahugiyakhaunngittut niruaqtuliqiyit hivayautinit atuqtakhaunngittut, piksaliumit, naalautinit, nipiliuqhimayakhaalluuniit uvani niruarvingmi.
- Tamaat qamihimayakhaat uqaluutinnuangit iluani niruaqarvingmi.
- Atuqtakhaunngittuq, aturlutik, takupkairlutiglu niruarutinut kakkilaat pinniutingni, nahait, Iluvruarnit, aahiit niruarvingmi.
- Atuqtakhaunngittuq, aturlutik, takupkairlutiglu niruarutinut kakkilaat pinniutingni, nahait, Iluvruarnit, aahiit niruarvingmi.
- Naniqtuqanngiluni 10 miitamiit qanilluni niruarvingmut.

Aallangujut maligait niruaqtinut.

- Niruaqtit niruaqtaarumik aniinnaqtukhat. Niruarvingniilaittut tautuktakhaunngittullu niruaqtinut.
- Niruaqti atauhiinnarmik niruaqtukhaq niruarvikhami.
- Akhuuquigakhaunngittut niruaqti kinaliqaak niruarumayamingni. Niruaqtakhaat ahinut hiamittigakhaunngittuq.



Ahikkut maliktakhait niruarumayunut kivgaqtingillu.

- Una niruaqtauyumayuq kivgaqtingilluuniit niruaqtauyumayunuq uvani, akunngani niruaqarvingmi. Una kivgaqti nakhaqhimayukhaq angirunmi atiliuqhimayumik taamna niruaqtauyumayuq uuminngaluuniit maniliqinikkut kivgaqtinga atiliuqtaaqhimayuq.
- Una niruaqtauyumayuq kivgaqtingaluuniit amirilaaqtangit niruaqtunut piniarlutiglu:
  - Ihumagittiaqtakhaat ahivainnaqtukhallu niruaqtinut niruaqtittiyit piliriyit.
  - Ilitturvikhangillu hamanngat niruarvikhaq naunaitkuhingit niruaqtunut qaangiqhimalugulu.
  - HILATAANINUNGAQHUTIK niruarvingmi hivayaqtaugaangat hivayarumagumigluuniit kinaliqaak naunaiqhiivlutik.
  - Tikillutik niruarvingmi 15 takilraanit angmaqtinnagu— tautukhimalugillu niruaqtittiyit nanmininga niruarut, ihivriuqhimalugillu aahiillu ilitaridjutingit titiqqait niruarvingmi.
  - Apiqquutigilaaqtatit niruaqti ilitquhiita, niruaqtit titiraqhimagaluaqhuni. Una niruaqti takupkaiyakhaat Naunaitkutarmik uqariiyautikhaniglu uqaqhimayakhaallu.
  - Tautukhimalaaqtangit Tugliata Niruaqtiliqiyi Piliriyi kititirniarumiuk niruarunmit.
  - Qinnqilaqtuq una Tugliata Niruaqtiliqiyi Piliriyi angiqhimagumiuk qinnqihimagumiuluuniit niruarunmik.
  - Iniqpiaqhimalugit kinguani. PIYUKHAUNNGITTUTIT turaarvigilugu tuniyakhaunngittutit hivayaqtauguvit titiraqtauguvit uqaluutinnuakkut una DRO turaaqtaarumiuk kiuviniit Niruaqtittinikkut Nunavunmi.

## Kinaliqaak akihimayuq niruarunmik



Una niruaqtauyumayuq amigaitqiyarnit niruaqtauhimayuq akihimayuq. Niruaqtiliqiyit kititiqpagaat tamaat niruarunmi niruarvingmi-niruarunmit hamanngat Niruaqtittinikkut Ublungani unalu niruarutit ahinit niruaqtukhaq.

## Kititiniq Niruarnaup Ubluani niruarutinik

Uvani Niruaqtittinikkut Ubluata, tamait niruarvikhaq kititiqpagaat niruarutaanit. Una Tugliata Niruaqtuliqiyi (DRO) amiqhaivagaat niruarutiit. Una niruaqtunut titiraqti pihimavagaat kititirningit titiqqainit. Niruaqtauyumayut kivgaqtingilluuniit tautulaaqtut kititiqhimalaaqhutiktauq. Taikaniinngitkumik, malruk niruaqtut tautukhimayakhaat DRO kititiqhimayangit niruarunmit.

Una DRO angmaqhiyangit niruarunmik qiyuqutaa iliuraivlugillu ikpanmut. Angmaqhiivaktut kititiqhugit takupkaivlugillu tamainnut inungnut. Niplautigivlugulu qanuq niruarut titiraqhimayangit. Ahikkut kititirningit niruarunmit tamainnit niruaqtauyumayunut aippaattauq ihuigiyamingnilu iliuraivluni niruarunmit. Una DRO titiraqaqhuni tahapkunginngat ihuittumik niruarunmit iliuraivluni.

Ihuigiyayut niruarutit kititiqtaunngittut taamna niruaqtuq:

- Atuqhuni ilitariyaunngittuni niruarunmik.
- Atiliunngitaa.
- Atiliuqhimayaraluanga, kihimi tukihittianngittuq kinalimaaq niruarumayamingni.
- Atiliuqhimyaa niruarunmik kinaliqaak ilihimanngittaa niruaqtauyumayunut.
- Atiliuqhimayaa niruarunmik amihunut niruaqtauyumayunut.
- Atiliuqhimayaa niruarunmik qanurlikiaq inuit ilihimayangit kina niruaqti ilittuqhimayaat.

Ilaani una DRO puiguqpaktuq atiliuriami niruarunmi alikhimaittumik amiakkunga ilangi. Ilihimagumiuk niruarutaa ilitariyaugumik taimailiulaaqhutik kititiqtaaraangat niruarunmik.

Una niruaqtauyumayuq kivgaqtingaluuniit qinngiyumagumiuk niruarut DRO kititiqtakhaat. Uuminngaluuniit kititirumayangit niruarut taamna DRO qinngihimayaat. Una DRO titiraqhimayakhaa qinngiyauninga iluani niruarnikkut titiqqainnut ihumaliuqtakhaalu kititirumagumiuk qinngiyumagumiugluuniit niruarunmik. Ihumaliuqtamingnit talvuuna iniqquk.

## **Niruarutinut Kiudjuhiq**

Tamaat DRO illiriyakhaat Kiudjuhiq haffumani Niruarnikkut atiliuqtakhaat niruarvingnut. Turaaqhiivlugillu aadjiliugaanit RO nut qilamiuqtumik tunihivluniuk tamainnut niruaqtauyumayunut kivgaqtiataluuniit niruaqarvingmi.

Taamna titiqqaita takunnaqtuq:


- Qaffit niruaqtut uvani niruarqarvingmi.
- Qaffit niruarut tamatkiumayangit niruaqtauyumayunut.
- Qaffit ihuittut niruarutit.

Una RO tuniyauyuq kiudjuhirmik tamainnit niruarvik niruarvingnit. Kititiqhimavlutik tamaita niruarutit niruaqtauyumayunut. Titiraqhutik haffumani Niruaqtittinikkut Kiudjuhiit atiliurvik ilittuqhiigiangani qaffiuyut niruaqtut niruaqtauyumayunut. Turaaqhiivlugulu kiudjuhiit uvunga Hivulliqtina Niruarvikhaq Piliriyi.

Una RO apiriyangit kititiffaariangani aadjigiinngitukumik ukunannat qaffiuningit niruaqtut hivunngani tuglianilu niruaqtauyumayunut ikivalliagumik 2% tamainnut niruaqtit. Kititiffaarnianngitukumik una Niruaqtiliqiyi Piliriyi iniqhimagumiuk Utiqtittiningit haffumani Maligaunmik Utiqtittinikkut turaaqhigumiuglu Hivulliqtina Niruaqtuliqiniq Piliriyinut.

Una Hivulliqit Niruarvikhanut Piliriyi naunaiqhiivluni makpiraaliuqhuni niruarnikhainut kiuviniit nunaqatigiiktunut tuhagakhait qaritauyakkut turaarutaanit takugakhanut. Una Niruaqtuliqiyi Piliriyit nivinngaqhivlutik niruarvingnut kiuviniit nunalingni naunaitkuhirmi takugakhainit naalautikkuuqhutik TV milu nunaliit piqarniqqat.

# Maligarnit Hiqumittiyut Nunavut Niruaqtittinirmut Maligaitnik



Una Nunavunmi Niruaqtittinikkut Maligaq maligaitigut aadjikkutaa. Kinaliqaak hiqumitkumiuk maligainik paqiyaulaaqtut paqiyaqarniqqat paqiyaulaaqtuq.


## Hiqumittiyut maligaunmik

Amihuuyut qanuq hiqumilaaqtut maligaunmut. Takulugit haffuminngatut tukiliutaagut ataaniittut. Taiguarlugulu Nunavut Niruaqtittinikkut Maligaq maligautainillu malittiaqhimalugit.

Qanuq hiqumitangit maligaq	Haffuminngatut 1	Haffuminngatut 2
Niruaqtut ihuittumik	Niruaruvit qinngiyauguvit niruariami.	Hulinniruvit piyukhaunngittutit niruarutinit.
Uqamillinahuarlugit niruaqtit ihuittumik	Tuniqainahuaruvit maningni, imirnit, havaanut, niqinut, aahiilluuniit.	Niruarvikhaq niruarvingmi.
Ilittuqhainingit ihuittumik atuqhimagumik	Ilvit atuqhimayatit niruaqtit titiqqangit ahinit niruarviunngittumi.	Ihuintaahimagingni Niruaqtittinikkut Nunavunmi naunaitkutit.
Ilumuuqtumik uqanngitkumi iqungaliinnaqhutik	Niruaqtauyumaguvit maniliqinikkut kivgaqtiuguvit pilaitkuvit.	Niruaqtauyumaguvit amihunit atahiuunngittunik niruarvingnit.
Maningnit ihuanngittumik atuqhimayatit	Niruarvikhatit akiliakhait avatqutkumi \$30,000.	Una niruaqtauyumayuq atuqhimavagaat niruarnikkut maningit inmikkut akikhangit.

## Niruarnikhanut Tukiliutait

**Niruagakhaunnikkut Iliyakhautigiingniq:** Niruarnahuaqtum akihimagumi uumani niruagakhaunnikkut iliyakhautigiingninganut niruaqtaunahuaqtum kivgaqtuinirnut. Vuutiqtuqanngittut.



**Vuutirnarimayuuq:** Vuutirnaririami

Niruaqtaunhauqtumut Ublungani. Vuutiqhimaniaqtutit niruaqtauvingmi, arvinilik aippaa Niruaqtautinnani Ublungani, humiliqaak uvannat 12 munngaqtumi ubluummaanmi 7 munngaqtat unnuktumi nunalingni ubluqhiutaatigut.

**Angiqhimanig:** Hamna ilitariyaayumik, maligaliqinikkut ukpiruhuut, ukpiqhimayangit huliyakhanut; hamna ihumagilluaqtakhaat ukpiruhuutigilaaqtangit inungnut. Hamna ukpiruhuut hiqumiktigunni taimaattaq maligautainnit hiqumiktutut ittuuvluni. Aadjigiigutaa angiqtauhimanikkut, uqariyaqhimayayuuq, uqariyaqhimayuuq.

**Ikayuqtuq tiliyaunikkut piliriyi (ARO):** Una ikayuqtuq tiliyaunikkut piliriyi (ARO) havaktikhiuqpagaat atahiq amihuuyunigluuniit ikayuqtuq tiliyaunikkut piliriyi AROt kivgaqtuinikhainut. Una ARO angiqhimalaaqtut angiqtauhimanikkut uumani niruarnikhanut ikayuqhimavagaallu uumani RO nit tamainnit aahiit havaangit niruarnahuaqtunut ikaarutaani.

**Ihivriughivaktunit:** Una inuk Hivuliqtiuyuuq Niruaqtittinikkut Piliriyi havaktikhiulaaqtuq qimilruriangani tamainnut niruaqtauyumayunut maniliqinikkut himmauhia, iniqpiaqhimayaangani nalaumahimagiangani.

**Niruarutaa:** Hamna ilitarihimayayuuq titiqqait titiraqhimavaktavut vuutirnahuaangat. Titiraqhimayayuuq niruaqtauyumayunut atinga ihuaqhaqhuni.

**Inmikkuurniq Niruaqtaunig:** Hamna niruaqtaunig atahinarmut kivgaqtiugialik. Taimailiupangmat tamaita niruaqtaugaangat inikhaliraangat iluani Maligaliurvingmi inuittaraangat hungmallikiaq.

**Niruaqtittiniq:** Tagukhaqaraangat naunaiqhiiyut, nivinngaqaqtumik takugakharmik, tuutayait kakilaaqtut, niplautigigumik, aahiittauq hunaniklikiaq niruaqtauyumayuuq parnautikhaat taimaa inungnit vuutiqtuyayunut.

**Niruaqtittiniq atannguyaq:** Taamna inuk aulapkaiyuq amiqhaivlunilu niruaqtauyumayunut niruaqtittiyikhanut. Una niruaqtauyumayuq tiliuqhiiyuq niruaqtittiniq atannguyaq.

**Niruaqtittiniq parnautikhat:** Takugakhait, atiliuqtauhimayut, tuutauyait kakilaaqtut, pinniqutikhait, nivinngaqtakhat, aahiittauq atulluarumayaat niruaqtauyumayuq, niruaquinngittunulluuniit. Hamna takugakhait naunairvikhangilluuniit naalautikkut, TV mi, Qaritauyakkut alruyaqanngittulingnit, turaarvikhangillu makpiraarmi.

**Niruaqtauyumayuq:** Kinaliqaak piyumayauyuq vuutiqtukhamik Katimayiugumi haffumani Maligaliurvingmi (MLA), unalu angiriiqhimagumik atiliuqtaaahimayuq niruaqtaunirnut hamna Niruaqtukhanut Nunavunmi angiqhimayakhaat.

**Niruaqtauyumayuq kivgaqtuininut:** Taamna inuk niruaqtauyumayuq tiliuqhimayaat niruaqtittivingnut uvani Niruarnaqhigumi Ublungani amiqhaiquivlugu vuutiqtukhanut niruaqtauyumayunut mikhaagut. Niruaqtauyumayauyuq atauhiinnarmik kivgaqtuqaqtukhaq niruaqtittivingmi. Una niruaqtauyumayum kivgaqtinga tutqignaqtumik, atiliuqhimayakhaat atiliugaa tunihimalugulu tugliata tiliyaunikkut piliriyinut (DRO).

**Iltaridjutininut titiqqap iluliutikhaq:** Una titiqqanut iluliutikhaa ilagiyayuq haffumani aturnaqtukhanut niruarutikhaat ilanganit. Uvattiagu vuutiqti atiliuqtaaahimagumiuk titqqaup iluliutinunngaahimayakhaa. Una uqaqhimaittumik titiqqak iluliutikhaa iluanunngaqtakhaat hamunga ilitaridjutinut iluliutikhanut. Una vuutiqti atiliuqtakhaa turaaqtittiyakhaa Niruaqtaunikhanut Nunavunmi.

**Hivuliqti Niruaqtuliqininut Piliriyi (CEO):** Uns CEO amiqhaiyangit Niruaqtittinigut Nunavunmi. Hamna Kammissina Nunavunmi tiliuqpagaa una inuk amiqhalugu Nunavut Niruarnikhanut Maligaaq. Niruarnikhanut Nunavunmi inuit tamainnit amiriyakhaat aulapkaiyakhaat turaaqtittilugillu tamaat nunallaat niruarnikhat.

**Nunamiutaq turaarut:** Una turaarut niruarnahuaqtum nunaa iglum naunaitkutaa uuminngaluuniit iglum naunaitkutaa apqutim hania. Aallatqiyayut titiqqiviyup turaarutaangat. Atiliurahuariami uumani Niruarnikhanut Nunavunmi, niruarnahuaqtuq naunaiqhimayakhaat nunamiutaq turaarutaa.

**Nutqarutinga niruaqtauyumanig:** Kinguani taamna inuk titiraqtaaqhimagumi uqariiqhimayuq niruaqtauyumuniq. 2 munnngaraangat ubluummaanmi nunamiuttani ubluqhiutikkut, 31 nit ublungani Niruarnikhanut Ublungani.

**Niruaqtauhimavinga:** Hamna nunamiuttani inuillu nayugaat. Inuit tamainnut niruaqtauhimavinirni niruaqtanga una Minista MLA.

**Tuniyauyut:** Maniit, ihuaqutikhait, una/ ikayuutikhangilluunit inungnut nanminiqaqtunulluuniit tunihivaktuq ikayuutikhaat niruarnahuaqtaakhaat niruaqtauyumayunut.

**Nampaqaqtuq niruarunmi:** Una nampaqaqtut naunairut uvani niruarunmi. Una tugliriyaaq niruaqtuliqinirnut piliriyi (DRO) alikhimavlugit niruarut iluanunngautinnangani niruarut qiyuqutinut.

**Maliktakhait Uqauhiniq:** Ilitarihimayauyuq maligautikkut kiudjuhiq una inuk uqaqhimayaa ilumuqtumik pinahugiyaugumigluuniit. Una ukpirnaqtumik hiqumitkumi aallaunngittunilu maligautigut malingniranngitaa. Maliktakhait uqauhiniq aadjigiikhuni angiqhimayaa, uqariiqhimayuq, uqariyaqhimayurluuniit.

**Maliktakhait uqauhiniq niruaqtauyumanig:** Hamna atiliuqtakhaa inup uqariyaautauvluni taamna inuk niruaqtauyumayuq-taimaa ilaayumavluni niruaqtauyumanirnut Maligaliuqtinut Maligaliurvingmut (MLA). Pigiaqaqhutik tuniyakhallu \$200 nit illiriyukhat. Hamna maniliqinirniq kivgaqtuiyi atiliuriaqaqtuq hamna titiqqak.

**Tugliata niruaqtittinigut piliriyi (DRO):** Una niruarvikhanut piliriyi amiqhaivagaat niruarvik Niruarnahuaqtunut Ublungani. Taapkuat DRO't havaarivlugit niruaqtut niruaqtauyumayunullu malittariaqaqhutik maligautainit. Niruarunmiglu tunihivaktut kititiqhugillu.

**Niruaq:** Pukuknahuariami inungnut niruarnikkut. Uumani nunallaami niruaqtakhanut niruaqhimayavut Ministautigut.

**Niruarvikhaq:** Hamna niruarvikhanut ilauihimayut uumani Nunavut Maligaliurvingat. Iluani nunallaami niruarvikhaq niruarnahuaqtut atiliuqhimayangit naunaitkuhirmik uqaqhimaittumik niruarunmik pukukhimalugu niruaqtauyumayunut MLA khamik.



**Niruarvikhaq Ublua:** Hamna ublungani haffumani ihuaqhainahuarnigut niruarvikhamut niruarvingmi. Amihuuyut niruaqtukhat niruarvikhanunngauvaktut Niruarvikhaq Ublungani niruaruaqtuqhutik. Niruarvikhaq Ublungani ikayuliqpaktut aahiit inikhanut niruariangani, Niruarvikhat Ublukhautinnani.

**Niruarvikhaq akiliakhat:** Manikhanut akiliqtauyut akiliakhangilluuniit niruarvikhanut ikaaruhingnut, niruaqtauyumayum niruaqtittinikhat. Ilaliutihimayait parnautikhait ikayuutikhangillu inuit tunihimayut, akikhangilluuniit maniliqinikkut ilauhimayuq niruaqtittinium atannguyaata.

**Niruarvikhaq piliriyit:** Inuit havakhimayut hamani Niruarvikhanut Nunavunmi amiqhavlugulu nunallaami niruarikharnut. Niruarvikhaq piliriyit ilagivlugulu niruarvikhanut piliriyit (RO), ikayuqtinga niruarvikhanut piliriyit (ARO), tugliata niruarvikhanut piliriyit (DRO), niruaqtunut titiraqtingit (PC), unalu atiliurvikhanut titiraqtit (RC).

**Niruarvikhautillugu:** Hamna 35-ublunganit akulvikhaa aullaqtilihaaqhutik uumani ihuaqhainahuarnigut niruarvikhamut nutqarutaatauq uumani Niruarvikhaq Ublungani; una ilitariyaunikkut ublungani niruarvikhanut.

**Niruarvikhaq unipkaarut:** Ilitturnaqtuq qaffiuningit niruaqtauniit niruaqtauyumayut piqaqtut. Una niruarvikhanut piliriyi (RO) titirarniaqtangit qimilrurumitku Niruarvikhaq Ublungani uqauhingit niruarvikhanut. Una RO kinguvautilaqtangit niruarvikhanut unipkaarutingit malruk Santiqhiirlugu Niruarvikhaq Ublungani qaangirumi, piyumayaukpat.

**Niruarvikhat Nunavunmi:** Havagviata havaktingillu haffumani CEO. Tahapkuat havaktit aulapkaivaktut amiqhavlugillu nunallaami niruarvikhanut.

**Niruarvikhanut kigliliuqhimaningit:** Hamna kigliliuqhimayut tiliuqhimayaayut akulliuyut Nunavut niruaqtauhimavinga. Uvani 2015 mi 22 nit niruaqtauhimayaavlutit.

**Niruarvikhanut Kigliliuqhimaningit Atiliuqtittiniq:** Ilagiiktut pingahuuyut inuit malikhimayakhaat qimilruqtakhat niruarvikhanut kigliliuqhimaningit-kigliit tiliuqhimayut akulliuyut niruaqtauhimavingit Nunavunmi. Una Maligaliurvik tiliuqhimayaat Atiliuqtikhanut 10 ukiunganit naahimavlugu. Unipkaaliuqhimayangit, hamna Atiliuqtittiniq tukhiutigilaaqtangit aallanguqtirningit Nunavutip niruarvikhanut kigliliuqhimaningit unalu niruaqtauhimayunut atingit.

**Tuavirnarnikkut tukinga:** Hamna inikhaa niruaqtakhaq naalautikkut alruyaqtuqtuyuittumik hivayautikkut unгахiktumiitkuvit Niruarvikhanut Ublunganit. Turaarvigiyakhatit Niruarvikhanut Nunavunmi niruariangani taimaa uumanilu pingahuuyut malikhimattiaqtakhatittauq:

- Niruarvikhanunngaulaittut uvani Niruarvikhanut Ublungani; UNALU
- Turaarvigilaittatit ahiagut; UNALU
- Qanuq ayuqhaliruvit unгахikpallaaravit niruarnahualiruvit.

**Kingulliqaangit niruaqtukhat titiqqangit:** Una titiqqangit ilaliutigiyait tamaat niruaqtit titirariiqhimayut niruarvikhanut pilihaaqhimayut, ilagivlugulu tahapkuat atiliuqtaaqhimayut niruarvikhanut akullirmi. Anivaktuq Niruarvikhanut Ublungani.

**Maniliqinirnut kivgaqtuiyi:** Una inuk amiqhaiyangit tamaat maningnit niruaqtauyumayunut niruarvikhaa. Una niruaqtauyumayuq tiliyauhimayaa maniliqinirnut kivgaqtuiyi; tamarmik atililiuqhimayangit angirutikhanut niruarvikhanut. Una maniliqiniq kivgaqtuiyi ikayuqhimavluniuk akiliqhugillu tamaat akiliakhainit. Atauttimut uumanilu niruaqtauyumayuq, maniliqiniq kivgaqtuiyi iniqhimayakhaat himmauhirilugit niruaqtaarumik.

**Maniliqiniq himmauhikhaq:** Hamna ilitaridjutinga unipkaarut haffumani niruarvikhanut ikayuuhingit akiliakhangillu, malikhimayakhaat maligautaanit Nunavut Niruarvikhanut Maligaq. Una niruaqtauyumayuq unalu maniliqinirnut kivgaqtuiyi iniqhimayakhaat unipkaarutaa, atiliuqhimalugillu uqariiyangillu taamna ilitturvingit ilumuqtumik.

**Tamainnut Niruarvikhaq:** Hamna niruarvikhaq iniliuqhimayakhaat iluani tamainnut niruaqtauhimavingit.

**Illumuurnirmut Kammissina:** Una inmikkut piliriyi haffumani Nunavut Maligaliurvik, amiqhaqaqhuni malikhugit haffumani Nunavut Niruarvikhanut Maligaq. Una palihinirmik havaangit uumanilu Illumuurnirmut Kammissina unalu CEO ihivriudjarikhivlugit ihumagiyangit niruarnikhanut pahijakhaunnirnut.

**Apiqhuniiliqinikkut nalunaiqhiiyangit:** Una apiqhuiyi haffumani Nunavut Apiqhuiliqinikkut kititiqhimaffaaqpagaat tamaat niruarutit haffumangat niruaqtauhimavingit. Taimainniqqat malruk niruaqtauhimayut aadjigiiktumik naahautiqarniqqata niruaqtaunirnut aadjigiinngitkaluarumiluuniit niruaqtakhanut – iluani 2% akulliugumik. Takulugu Nunavunmi Niruarvikhanut Maligaq qanuq kititiffaarnikhanut taimainniqqat.

**Maligaliurvik Nunavunmi:** Inuit niruaqhimayaqqut Nunavut Kavamaliuqtukhamut maligautiliuqpaktut Nunavunmi.

**Maligaliurvik Kivgaqtuiyit (MLAt):** Tahapkuat inuit niruaqtauhimagumik uvani nunallaami niruarvikhanut; inuit Nunavut Kavamaliuqpagaat.

**Ingilrayut niruarvikhaq:** Iniliurvikhaq niruariami anilaitkuvit niruaruaqturiami. Niruarvikhaq ilingnungaulaaqquk.

**Naunaitkuhiq Niruarvikhaq:** Takunnaqtuq atingit turaarutaa naunaitkuhiq akullirit niruaqtauyumayut iluani nirurvikhanut, unalu maniliqinikkut kivgaqtuiyunlu unalu niruarutaata atannguya. Una CEO turaarviuvaktuq niruarvikhanut naunaitkuhiq 30 nit ublunganit Niruarvikhanut Ublungani niruaqtautinnatik.

**Nunavut Niruarvikhanut Maligaq:** Hamna maligautait taamnaguug Nunaunmiut parnautigivagaat amiqhaivlugillu nunallaami niruarvikhanut.

**Uqariiyaut:** Ihuaqhaqtaaqhimayuq, maligautingit ukpiruhuutauyuq hunaniglikiq ilumuqtuq; una ukpiruhuutit pinahuarumik. Niruarvikhanut piliriyit uqariiqhimalaaqtut ilaliuqhimanngittuq havaamingnut; niruaqtauyut niruaqtauyumayut uqariiqhimavlutik MLAt inikhainut.

**Apirhuutinut niruarniq:** Piyumayunut niruaqtit kiuyakhaat apiquutinit uqaqhimaittumik niruarunmik, niruariami tunihiyangillu ihumagiyangit haffumani ihumagiyangit kitunuliqaak ihumaaluutiqarniqqat. Una niruarniq tamainnut Nunavunmiunut, uumani niruarniq humiliqaak nunaligyuangat humiittukhauyuq, uuminnganlu taangnarniq niruarniq.

Una niruarniq malittiaqhimayauyukhaq – hivuliqtit kivgaqhimayakhaat inuit niruaqhimayamingnit. Uuminngaluuniit hamna niruarniq malikhimaittumik- hivuliqtit naalattiaqhimayakhaat qanuq inuit niplautigihimayangit, kihimi angiqhimalaaqtut qinngihimalaaqtulluuniit qanuq niruaqhimanngitkaluaqhit.

**Niruarvik titiraqti (PC):** Una niruarvikhaq piliriya havaktuq uvani niruarvingmi uumanilu DRO. PCt amirivagaat niruarvikhanut titiqqangit.

**Niruaqarvik:** Niruaqarvik, malruk amihuugumigluuniit niruaqarviit. Akulliuuyuk niruaqarvik ikayuqtiqaqhutik himmauhikhanut niruarvikhaq piliriya (ARO) unalu atiliuqhimanikkut titiraqti (RC).

Nunaliit uuminngat Iqaluit Kangiqhiniq atauhirmiunngittuni amihuuyut niruaqtauhimaningit. Una Niruaqarvik uvani nunalingnit ARO unalu RC qaqhutik akulliriit niruaqtauhimavingit.

**Niruaqarniq titiqqait:** Titiraqaqtut tamainnut inuit atingit niruaqhimagaluaqtut niruaqarvingmi, allannguqtaugumik niruaqtit titiqqainut, naunaiqhiivlutik qanurilinganingit niruaruaqtunut.

**Niruaqarvik:** Namullu niruaqtit niruaruaqtuqtukhat.

**Niruarvikhaqtaarutaa:** Una 60 nit ublunganit Niruarvikhaq Ublungani niruarvikhaqtaarumik. Niruaqtauyumanut turaarvigiyakhaat iniqhimayangit maniliqinikkut himmauhikhaat uvunga CEO nutqaqtinnani kinguani-niruarvikhaanit.

**Niruarvikharnahaarniq akiliakhaa:** Una niruarvikhaanit akiliakhaa una niruaqtauyumayunut akiliqtakhaa uvani niruarvikharnahaarniq.

**Niruarvikharnahaarniq:** Una Kammissina naunaiqhiivluni kitunuliqaak aippaagukhamut niruarvikhaanit; una CEO nutqaqhugu ublungani titiraqhugu ihuaqhainirnut.

**Anitittiniq:** Una ilitaridjutinga titiqqak Kammissina turaarvigiyaa CEO nut uqaqhuni niruarvikhaqarniaqtuq. Una anitittiniq tukiqaqhuni hamna CEO nut qakugu titirariaqaqtangit ihuaqhainikhanut ublukhaaniglu Niruarvikhaq Ublungani.

**Niruarumayup tiliurutaa niruaruiq:** Una niruaqti aallamik niruaqtinik niruaquiviluniuk. Atiliuqhimayakhat RO nut niruarumayup tiliurutikhamik ilitaridjutikhanik. Ilvit nirualaaqtutit uumani niruarumayup tiliurutaanut malikhimagungni pingahuuyut qanurinngingagut:

- Ilvit niruaqtukhami titiraqhimaguvit; UNALU
- Hivayaqtauguvit aullaqhimaniaqtutit nunalingni; UNALU
- Qanuqtut niruaruaqturahuarnikkut nirualaittutit.

**Kitunuliqaak Naunaitkuhikhaq Niruarvikhaq:** Niruarvikhat Nunavunmi naunaitkuhiliqpaktut Ilitturvikhainik naunaipkaqhugit inungnut niruarvikhaqarnahuaqtuq. Hitamauyut ilittuqhimaqaqtut:

- Ublunganit haffumani Niruarvikhaq Ublungani unalu qilamik niruaraqtukhat.
- Ilitturvikhanut Turaarutaa ROt.
- Nutqarutaa titiraqhimayakhaat Maliktakhait Uqauhiniq Niruaqtauyumayunut.
- Nutqarutaa akiharnahuarlugu atinik uvani niruarvikhaat titiqqait.

**Atiliurvikhaq titiraqti (RC):** Una niruarvikhaq piliriyi havakhimayuq malikhugu RO uuminngaluuniit ARO atiliuriami niruarvikhait, uumani niruarvikhanut uuminngaluuniit niruarvikhaq niruarahuaqtinnani.

**Ihuittuq niruarut:** Una atiliuqtaaqhimayuq niruarut PIYAUNNGITKUMI niruaqtauyumayunut. Una DRO/ARO kititiqhimagumik niruarunmit iluani niruarnmi qiyuqutaaniittuni qinngihimayangit niruarunmik tutqignaqtumik qanurilingayaugumik. Una inuk tautukhimagumiuk niruarunmik kititirningit qinngihimagumiuk uumani DROt/AROt ihumaliuqhimayangit, una niruarvikhaq piliriyit titiraqhimayakhaat qinngihimayauningit uvani niruarvikhamik titiqqainit.

**RENU:** Una qaritauyakkut niruarvikhaq amiqhaiyangit Nunavunmi; tukiqaqhuni Atiliuqtakhaq Niruarvikhanut NUNavunmi.

**Niruaqtittiniq piliriyi (RO):** Una niruaqtittiniq piliriyi amiqhaivagaat niruaqtauhimayunut. Rot tiliuqhimayangit AROt, DROt, PCt, unalu RCt tamainnut niruarvikhanut. ROt amirivagaat tamaita niruarvikhanut iluani niruaqtauhimayunut.

**Uqaqhimaittumik iluliutaa:** Una iluliutaa ilagivluniuk avaliqanngittuq niruarnmik ilulikhaa. Una niruaqti atiliuqtaaraangat avaliqanngittuq niruarnmik ilulikhaa iluanunngaliqpagaat uqaqhimaittumik iluliutaanik. Una uqaqhimaittumik iluliutingit iluanunngaqpagaat ilitariyaunirnut iluliutikhaa. Una niruaqtit atiliuqhugu turaaqtittivluniuk uvunga Niruarvikhanut Nunavunmi.

**Avaliqanngittuq niruarunmik:** Iniliuqhimayangit nurariamik titiraqarvikkut ilinniaqhimaguviit ahini, haalatiqhimaguviit, aanniarvingmiitkuviit, mamiharvingmiitkuviit, itiqtauhimaguvilluuniit. Aallat niruaqtut atuqhimalaaqtut avaliqanngittumik niruarunmik. Iluliutimik tuniyauhimayut, malikhugillu titiraqhimayuq, titiraqarvikkuuqhgugulu niruarutaa iluani iluliutaanit.

**Ihuittumik niruarut:** Una ihuittuq niruarut aadjiliurut adjiliuttiaqhimaitaa, UUMINNGALUUNIIT una niruarut taamna niruaqti ihuinaaqhimayaa. Una DRO tunihimayangit niruaqti nutaamik niruarunmik naunaiqhiivlunilu hivuani 'ihuinmat'. Taamna ihuittuq niruarut niruarut qiyuqutimunngalaittangit.

**Kiudjuhiq Niruarvikhaq:** Una ilitariyauhimayuq Niruarvikhat Nunavunmi atiliurviq takunnaqhuni qaffiuningit niruaqtut akulliutigiyangit niruaqtauyumayunut niruarvikhanut

**Titiqqak:** Una qaffiuningit titiraqhimayuq akullinga niruarunmik ahinunngayuittuq makpiraanmi niruarunmit. Una DRO aliktuihimagumiuk niruarunmi makpiraanmi, titiqqak aulayuittuq makpiraanmi.

**Uqariiyaut:** Una ilitaridjutit, ilumuqtumik ukpiriyangit taamna ilumuqtuq; ukpiruhuut huliniarumik; taamna ayurnarutaunnaqtuq. Una ukpiruhuut hiqumitkungni taamna maligautikkut hiqumitkungni. Una inuk uqariiqtangit uqaqhimavlutik Makpiraaqpangmi taamna ilumuqtumik inmat. Uqariirniq aadjikkutaa ilittuqhainiq, uqariiyaut, uqattarniq.

**Niruaq:** Niruaqtut naunaitkaqtut uqaqhimaittumik niruarunmik iluani nunallaani niruarvikhaq. Pukukhimayaat niruaqtauyumayuq iluani niruarutikhanut piyumayainnit niruarumayangit MLA khamut.

**Niruaqti:** Una inuk angiqtauhimayuq niruariami iluani nunallaami niruarvikhaq:

- Kanatamiutauguvit.
- Nunavunmiutaq atauhirmik ukiungani Niruarvikhaq Ublungani.
- 18 nit ukiuqaqtut ungataaniluuniit uvani Niruarvikhaq Ublungani.
- Ungavaqtaunngittuq niruarumaniq.

**Niruaqti Ilitturvikhaq Naunairut:** Akulliit niruaqtut uvanngat niruaqtunut titiqqangit tunihiyayut naunairunmik titiraqarvikkut tatqiqhiutaani Niruarvikhaq Ublungani angmaumatilluni.

**Niruaqtut titiqqangit:** Una titiqqat niruaqtut hamna Niruarvikhaq Nunavunmi upalungaiqhimayangit akulliuyunik niruarvikhaanit. Niruarvikhaq Nunavunmi turaaqtittivaktut aadjiliugaanit akulliuyut niruaqtauyumayunut hamna niruarvikhat pilihaarniaqtilluni, nutaanngiqtirumiglu 20 ublungani Niruarvikhaq Ublungani piyariimiqqata.

**Niruaqtut iluani Havagviata Niruaqtuliyim Piliriyi (VOR):** Niruarvikhamaat Niruarvikhaq Ubluatinnani. Ilvit niruaqhimayakhat RO't Havagviani 14 ublunganit Niruarvikhaq Ublua angmaqtinnani uvunga 4 ublungani Niruarvikhaq Ublunganit angmaqtinnani, ubluqhiutaanut 12 ubluummaanmit 7 munngaqqat unnuktumi nunalingni ubluqhiutigut.

**Tautuktuq:** Una inuk atiliuqtaaqhimayangit titiqqangit niplautigiyangit aalla inuup atiliuqhimayaa ilumuqtumik atiliuqhimayangit. Uminngatut, kinaliqaak ahikkut niruaqtauyumayuq unalu maniliqinikkut kivgaqtinga tautukhimayakhaa atiliugainit uumani Uqariiqhimayangit Niruaqtittinikkut.

**Maligaunmi qaitquiniq:** Una ilitariyauniq ilittuqhainiq niplautigiyangit niruarvikhalik. Una CEO turaaqtittiyangit akulliuyunit RO. Tamaat RO naunaipkaivakhugit nalunaitkutarnit maligaunmi qaitquiniq havagvingnut.

Hamna niruarnikkut maligauni ilitquiniq tunngaviuvluni maligaunmi ilitquinirnut. Taamna ilitturnaqhuni kinaliqaak takhihimayangit niruarnikhanut. Una RO titiraqhimayaat turaarvigivluniuk CEO nut Niruarvikhaq Ublua inirumiuk. Una niruaqtauyumayuq takhihimagumi uumani angiqtauningit RO titiraqhimayangit himmauhikhaat haffumani maligaunni ilittuqhainigut qilamiuqtumik.

